



TE WHARE WĀNANGA O  
AWANUIĀRANGI

## Te whakapanonitanga i te ture mō Aotearoa

### Ko Te Whare Wānanga o Awanuiārangī tonu te kaiwhakatō kia tūturu ngā tikanga Māori puta noa i te pūnaha ture o Aotearoa.

Te Tumuwhakarae a Ahorangi Wiremu Doherty me Ahorangi Ahurei Tā Hirini Moko Mead me Ahorangi Tā Pou Temara, i tāpae katoa ki te auahatanga o **He Poutama**, he taputapu whakangungu akoranga ma ngā kaiwhakawā. Ko te tono nā te Minita o te Ture i te tau 2021 ana na Hōnore Kaiwhakawā Christian Whata i ārahi te pūrongo. Toru rau (300) ngā whārangī o te pūrongo e titiro ana ka pēhea te noho a te tikanga tuku iho me te tikanga ture kāwanatanga, ana ka pēhea tā rātou mahi ngātahi.

Nā Ahorangi Doherty i whakahaere ngā wānanga me ngā tohunga mai i ngā tōpito o te motu ki te āwhina, me pēhea te whakatō i te tikanga puta noa atu, i te ture o Aotearoa.

I whakamārama ia: “Ko tā tātau mahi he whakamārama he aha te tikanga, tana mana nui hei ture tuatahi mō te motu, me te whaitake ki te pūnaha ture i tēnei rā. He huringatanga tēnei pūrongo ana ka noho hei tauira e panoni katoa ai te pūnaha ture o Aotearoa.”

E kī ana a Hōnore Kaiwhakawā Christian Whata, mārama pai ana te whakatakoto i te whānui o te whai mana tikanga ki te ture.

“I roto katoa i te hōtaka, hangai tonu ta mātou titiro ki te hōhonutanga o te tikanga ki te Māori me te hiranga e rua mo te tikanga me te ture kia ahu whānui ake te māramatanga o te tikanga me te manaaki i te wā e ana whakamua ana. I tono atu mātou ki ngā pūkenga (Tohunga), hei ārahi ia mātau, me te hangai ki te whai mo te māramatanga o te tikanga mō te hunga e mahi ana i roto i te horopaki ture tūturu, me te tūhono ki te ture.”

E harikoa ana te Wānanga ki te tautoko atu i te whakararautanga o He Poutama me ōna taunakitanga, me Ahorangi Wiremu Doherty, ko Tā Hirini Moko Mead me Tā Pou Temara i roto i te rōpū tohunga mō ngā tikanga ki te tautoko i te hunga kaiwhakawā ki te whakauru atu ki roto i ngā whakataunga ture, pēnā e pīrangī ana.

Ko He Poutama tētahi o ngā āhuatanga e utaina ana a TWWoA ki te whanaketanga o ngā wheako ahurea i waenganui i ngā kaiwhakawā o Aotearoa. A te Pēpuere 2024, ka whakarewahia te Pourewa Tikanga Māori me te Ture, e te Wānanga, e titiro pū atu ana ki ngā tikanga kia uru atu ki ngā whakahaerenga ture.